

四庫全書

史部

欽定四庫全書

史部

寶慶四明志卷十九至二十一

詳校官監察御史臣沈孫璉

檢討臣德生覆勘

總校官降調編修臣倉聖脉

校對官待詔臣胡士震

謄錄監生臣劉澹

欽定四庫全書

寶慶四明志卷十九

定海縣志第二

叙賦

鄉村

清泉東鄉縣西管里十村三

上湖里

宋羅濟撰

山下村

黃泥堰村

金川村

清泉西鄉縣西管里一村三

光政里

梢木村

鷓鴣村

孔浦村

靈緒鄉縣西北管里一村五

達禮里

莊北村

橋北村

伏龍村

筋竹村

東墟步村

崇丘鄉縣南管里一村四

長陳里

泥灣村

小浹村

樟桐村

韓嶼村

靈巖鄉縣南管里一村三

金泉里

櫻豆村

河頭村

嘉溪村

太丘鄉縣東南管里二村四

富都里

古曰慈  
奧里

石湫里

富都村

栗湖村

亭子堰村

小榭村

海晏鄉縣東南管里一村九

太寧里

小門村

紫石村

太平村

太明村

馬婆村

蘆江村

大涂村

小涂村

大榭村

鎮市

澥浦鎮縣西北六十里

澥浦即古所謂渤澥西有崑崙之山東有渤澥之島俗訛為蟹

浦

城西市縣西五里

江南市縣東南七里

石湫市縣東南三十里

田畝

田三十五萬六千七百五十畝三角河塗不與

戶口

主一萬七千四百七十一戶計四萬九千九百五十一

口

客一千六百四十八戶計六千五百四十一口

夏稅

絹九千五百三十一匹九尺八寸三分

正稅四千七百八十二匹九尺八寸三分

和買四千七百四十九匹



紬二千三百二十九匹二丈七尺九寸八分

正稅一千一百三十一匹二丈七尺九寸八分

和買一千一百九十八匹

綿一萬八千六百六十一兩四錢六分

折變

折帛錢

絹二千二十二匹計錢一萬三千四百四十一

貫五百文

正稅五百九十七匹每匹折錢七貫文計四

千一百七十九貫文

和買一千四百二十五匹每匹折錢六貫五

百文計九千二百六十二貫五百文

紬一千四百五十五匹計錢九千七百六貫文

正稅四百九十七匹每匹折錢七貫文計三

千四百七十九貫文

和買九百五十八匹每匹折錢六貫五百文

計六千二百二十七貫丈

綿七千三百九十兩每兩折錢四百文計二千  
九百五十六貫文

亭戶折鹽

絹一百七十二匹二丈一尺三寸一分

紬六十一匹二丈五尺六寸一分

綿五百九十二兩九錢一分

蠲免清泉鄉下戶絹一百六匹

淳熙十年指  
揮詳見郡志

實催本色

絹七千二百三十四丈八寸九分

比元額增二尺三寸七分

補所虧  
紬數

紬八百一十三匹

比元額虧二尺三寸七分入紬數

綿一萬六百七十八兩五錢五分

秋稅

苗米二萬一千六百一十五碩五斛五升

折變

糯米五百二十五碩折苗米五百三十四碩五升

二合

亭戶折鹽米九百六十七碩三斛四合

實催本色二萬一百一十四碩二斛一升四合

酒

水軍庫抱認省務淨息歲額一萬九千三百一十貫文

省務元差官監當支降本柄造賣繼因本縣屯駐水軍置立犒賞酒庫庫攬奪課利乾道中守趙伯圭聞于朝罷官監令水軍承抱開禧元年軍興復為省務二年水軍承抱如舊初立息額二萬四千四百一十七

貫五百八十文其後趁辦不敷紹熙一年  
水軍乞減價賣酒裁定今額均月解府

諸司一萬四千六百八十三貫四百七十六文

本府四千六百三十一貫九百八十八文

醋息錢一百八十貫文

人戶買撲酒坊一十六所

鳳浦坊 沈寔湖坊 青嶼坊

長山坊 靈緒坊 賈輿坊

蘆江坊 小榭坊 慈輿坊

清水浦坊

石湫坊

澥浦坊

駱駝坊

栗湖坊

莆陳坊

梢村坊

歲額淨息錢八千一百九十七貫五十五文

常平司六千七百一十八貫一百五十一文

本府一千四百七十八貫九百四文

商稅

以寶慶元年為準

歲額錢二萬七千六百貫文

諸司一萬四千二百二十四貫四百八十八文

經總制司六千五百八十一貫四百九十六文

糴本司七千六百四十二貫九百九十二文

本府一萬三千三百七十五貫五百一十二文內豁

除諸司頭子錢七百一十貫一百二十七文實

收一萬二千六百六十五貫三百八十五文

雜賦

免役錢兩料共一萬八百五十二貫四百四十八文



縣吏支四千九百九十五貫四百一十二文

本府四百七十二貫文

解發減省人吏錢在京官員  
雇錢及支府吏錢並在內

經總制司五千五十二貫四百八文

官戶不減半二百二十七貫六百四文

提舉司頭子錢一百五貫二十四文

茶租錢五百八十九貫九百二十三文

水脚錢六百五十二貫五百八十七文

租堰錢四十四貫五百八文

租渡錢五百四十一貫三百六十八文

房廊錢一十九貫八十文

城基錢一百四十一貫四十八文

河渡錢二百二十三貫七百四十文

專隸常  
平司

### 職田

米額六百一十七碩九斗八升一合二勺

除冊江事故  
出豁外實催

四百六十八碩五

斗三升七合七勺

### 鹽

清泉場歲額四千九百八袋

龍頭場歲額一千八百七十七袋二碩

穿山場歲額三千袋

長山場歲額三千袋

叙兵

水軍

御前軍駐劄定海凡四千人營在縣後五里統制衙在縣東一里本末已見郡志茲不復詳

弓手

縣尉司額六十五名

土軍

水陸管界寨額一百二十人今一百七十人

澠浦鎮

海內寨額二百四十人今一百五十人

本海內白峯二寨各管額一百

二十人後白峯止作海內巡檢下指使至今係海內寨撥隸土軍海內寨在烏崎頭白峰寨在午柄頭

叙人

已見郡志

叙祠

# 神廟

東海助順孚聖廣德威濟王廟在縣東北五里皇朝元

豐元年左諫議大夫安燾起居舍人陳睦奉使高麗

還十一月請建廟勅封淵聖廣德王

按續通鑑安燾言東海之神已

有王爵獨無廟貌乞于明州定海昌國兩縣之間建祠宇往來商旅聽助營葺從之仍令為屋百區今考本廟累封詔勅自乾道前並無東海字蓋燾之言如此然是時實有東海廣德王廟在萊州不可謂無故封詔不盡如燾言也

崇寧二年賜額崇聖宮大觀四年加封助

順二字仍建風雨二神殿於左右宣和五年又加顯

靈二字封風神曰寧順侯雨神曰寧濟侯且撥賜官  
田五頃皆因高麗使回奏請也廟碑知制誥鄧潤甫  
撰知明州王誨書建炎四年車駕幸海道二月十日  
有旨改封助順祐聖淵德顯靈王廟燬于兵紹興二  
年重建乾道五年九月二十四日勅賜今封四海神  
于祀典甚尊國朝淳化二年因秘書監李至言祀東  
海廣德王於萊州南渡以來萊州道絕乾道誥書加  
東海二字於封爵之上正祀典也每歲春秋及郊祀

告報必降祝文書嗣皇帝某謹遣臣某官某昭告于  
某神非常祀比矣初賜宮額本以奉神歲度道士俾  
主香火宣和五年道士乃請淵德觀額紹興重建遂  
祀神於廊廡以觀為主而神附之甚失朝廷崇奉之  
意會道士告觀廡將圯郡為聞於朝寶慶三年守胡  
桀以颶風猛雨交作又舉唐孔戣薦饗南海故事申  
請專置廟宇得祠牒一十有五郡增給緡錢且勸率  
士夫民旅助之統制司輟瀕海房廊十五間之址拓

築海塗面東迎洋立殿三間翼以夾室風雨神列殿  
前之東西拜謁有庭獻官有位門閤高宏拱護嚴翼  
時紹定元年也

東嶽行宮縣東北五里直招寶山下皇朝紹興八年建  
助海顯靈侯廟縣西五里侯姓孔象山縣童翁浦人行  
第七志操剛烈為鄉里所憚咸不敢斥其名侯死有  
富都監巡吏劉贊夢侯告曰上帝錄吾平生之善命  
為此境神姓名已籍于水府而吾屍泛濫沙浦君能



收而窆之且創數楹俾有棲託必為民利贊訪其屍  
果如所夢乃即所居地葬而祠之錢氏有吳越靜海  
鎮將以排筏航海驚濤危甚夢侯許以冥祐順風而  
濟既歸乃立廟于鎮兵部侍郎皮光業記之皇朝建  
炎中車駕幸海道賜號顯靈

洋山廟縣東北五里山在昌國縣之東北海中唐大中  
間黃洽記其廟以為隋煬帝建炎四年車駕幸海道  
加封其二妃曰惠曰順夫人曰明德此別廟也是年

燬于兵紹興五年重建

忠嘉威烈惠濟廣靈王廟縣西北三百步皇朝宣和五年方臘之亂郡邑岌岌賴神助得免邑人於是請立廟後燬于兵紹興六年重建

昭利廟縣東北五里宣和五年侍郎路允迪給事傅墨卿出使高麗涉海有禱由是建廟燬于兵紹興五年重建

覺海威顯侯廟縣南一十里舊號山仙廟建炎中車駕

幸海道賜今額開禧二年令商逸卿修建新閣且記之

陳山忠應侯廟縣南一十五里舊號相公廟建炎中車駕幸海道賜封

雲霄三公廟縣東南八十里與鄞縣境接廟不知所自始其神冕而九旒垂黻纁被山龍黼黻為旱禱輒應主簿永嘉戴栩記之謂穀梁氏所謂應乎上公而通乎陰陽者也

宮觀

淵德觀縣東北五里皇朝元豐元年始建淵聖廣德王廟委道士奉香火崇寧二年戶部侍郎劉達給事中吳玘使高麗回奏歲度道士一名三年詔天下建天寧萬壽觀以本州崇壽宮改置四年知縣事徐裡因請其額寘本廟宣和五年改今額

寺院

禪院七

開善院縣東南九十里唐景福二年置名瑞巖皇朝治  
平二年改今額常住田一千九百六十畝山八千二  
百七十八畝

靈巖山教旌院縣南四十里唐廣明年中置皇朝大中

祥符元年賜今額常住田九百二十一畝山二千八

百九十六畝

宣獻公樓鑰有題雲巖詩云但見雲生  
谷初無石似巖得名非舊觀買地作精

藍境勝環脩竹門深擁翠杉  
禪林自佳趣莫問後三三

崇梵院縣東南七十里唐天復元年置名啟霞皇朝寶

元元年改今額常住田三百二十六畝山四千八百

七十畝

明慧院縣東南七十里唐乾寧三年置名保安皇朝治

平元年改今額常住田二百二十八畝山三百四十

畝

資聖院縣東南六十里唐大順二年置名資福皇朝治

平元年改今額常住田二百三十畝山九十畝

本覺院縣東南一百二十里舊名彌勒周顯德六年置

皇朝治平二年改今額常住田一百八十五畝山三百六十畝

妙勝院縣西三十里後唐清泰年中置名永安皇朝治平元年改今額常住田五百畝山無

教院六

正覺院縣西北六十四里周廣順元年置名回峰皇朝治平二年改今額常住田二百四十四畝山九十畝

院有清風軒王亘詩云海風拍枕燈初暗山雨打窓人正寒料得此軒人更好怒濤推月上闌干

永寧院縣西十五里舊名寧波晉天福中置皇朝治平  
元年改今額常住田六百六十畝山無

觀音院縣東北一里皇朝皇祐中建常住田二百一十

二畝山無

妙音院縣西二里皇朝元豐年中置建炎元年徙本州  
妙音院額以為額常住田二百七畝山無

覺海院縣南一十三里唐會昌二年置名清海皇朝大  
中祥符元年改今額常住田三百七十二畝山二百



二十五畝

幽棲院常住田六十二畝山無

十方律院五

淨居院縣南二十里唐乾寧元年置名龍明皇朝治平  
元年改今額常住田三百五十八畝山七百畝寺之  
青林山舊有鰻井久而湮嘉泰中旱令商逸卿訪故  
迹而禱之即獲甘霖商信之篤政成抔土以往後守  
南劍因旱取土置水祈而得鰻遂雨豈至誠所感固

如是耶

惠寂院縣南七十五里晉開運年中置名蘆浦菴皇朝  
治平元年改今額常住田一百一十九畝山二百八  
十畝

息雲院常住田一十畝山無

廣福院縣西北八十里伏龍山間舊名咸通伏龍禪院  
唐咸通三年置皇朝熙寧中改壽聖紹興三十二年  
改今額寺有一井冬夏常溫應潮增減名海眼泉常

住田二百六十畝山一千六百四十八畝

泗洲院縣南三十里後唐清泰四年有石佛因水自山  
流下僧清立因立精舍常住田三十一畝山無

甲乙律院十三

寂照院縣南九十里梁貞明中置名保安皇朝治平二  
年改今額常住田一百六十二畝山七百三十四畝  
真修院縣南一百里唐大順三年置名門浦報恩皇朝  
治平元年改今額常住田五十三畝山七百一十四

畝

總持院縣東北一里唐乾寧三年置名護境皇朝大中祥符元年改今額常住田六百二畝山無

崇法院縣西一十五里舊名回向院皇朝建隆三年置治平元年改今額常住田三百三十二畝山無

慈濟院常住田四十三畝山一百畝

靈峰院縣南四十里周廣順元年置名保安皇朝治平元年改今額常住田二百三十畝山七百八畝

淨嚴院縣南三十里漢乾祐二年置名練盆皇朝治平  
元年改今額常住田一百三十畝山一百五十一畝  
興善院縣南五十里唐天成二年置名保安皇朝治平  
二年改今額常住田六十畝山無

慈化院常住無

顯教院常住無

能仁院常住無

崇先院常住無

永福院常住無

叙遺

車駕巡幸

已見  
郡志

紀異

碁子坪在候濤山半山之間有小沙灘其下通海出石  
碁子人欲取之先以白米或黑豆撒其中翼日得碁  
子各隨其色

開南四十里有壺山土常赤世傳葛仙翁鍊丹之處

淳祐二年夏六月縣產粟一莖雙穗者三四穗者一前  
所未見時添倅趙體要沿檄至縣得之以遺郡守陳  
壇邦人皆以為豐年之瑞守圖其狀揭之郡齋以驗  
邦人之言

存古

虞世南墓在澥浦鎮靈緒鄉山北

寶慶四明志卷十九



欽定四庫全書

寶慶四明志卷二十

宋 羅濬 撰

昌國縣志全

叙縣

沿革論

昌國縣在唐為翁山縣秦漢時地屬會稽郡句章縣初  
越勾踐滅吳獲夫差王欲使居甬東君百家杜預云句

章縣東海中洲即此是也

國語以為甬句東注云句章海口外洲今鄞縣有甬東廂

遂概呼明州曰甬東非古所謂甬東也縣有甬東村乃古名

隋開皇九年併餘姚鄞

鄞入句章唐武德四年析句章置鄞州八年廢鄞州為

鄞縣則昌國地屬鄞開元二十六年置明州析鄞縣置

翁山大厯六年廢於袁晁之亂五代時改鄞為鄞則地

又屬鄞皇朝端拱二年置為鹽場有巡檢同監熙寧六

年用部使者言蓬萊安期富都三鄉與縣隔海乃詔置

尉以主鬪訟盜賊之事已而創縣賜今名蓋丞相王安

石嘗宰鄞憫其劇故分之元豐元年益以定海縣之金塘鄉為下縣紹興十三年戶部員外郎沈麟編類民籍戶計萬餘而丁口再倍詔陞為望縣縣居海心北控登萊海窰東捍三韓日本始創時輶車有按部者駭於風潮遂罷巡厯

### 境土

東西五百里南北三百里西南至州驛三百五里舊志云然然海面際天本不可以里計也

東五潮至西莊石馬山與高麗國分界

南五潮至隆嶼與象山縣分界

西一潮至交門山與定海縣分界

北五潮至大磧山與平江府分界

東南三潮至韭山與象山縣分界

西南二潮至三山與定海縣分界

東北五潮至神前壁下與海州分界

西北三潮至灘山與秀州分界

風俗

海島之地俗多醇厚魚鹽雖富而亦輕財巖谷之民有  
老死不識城郭者自熙寧創邑至紹熙癸丑百有二十  
載而應係登進士第詩書文物浸盛矣

縣令

張懿文

熙寧八年建學

張節

元豐八年

張如晦

政和六年  
重建學

陳遠

從事郎紹興元年到任

韓晦

從政郎紹興三年到任

孫通

從政郎紹興六年到任

徐嘉言

從政郎紹興八年到任十一年滿

張前

從事郎紹興十一年到任十五年滿

胡喆

從政郎紹興十五年到任十八年滿

王稽中

從政郎紹興十八年到任二十一年滿

韓晝

從政郎紹興二十一年到任二十四年滿

葉邦翰

從事郎紹興二十四年  
到任二十七年致仕

朱思

從政郎紹興二十七年  
到任三十年滿

王存之

文林郎紹興三十年  
到任

白仲賻

從政郎乾道二年  
到任

霍朝

文林郎乾道六年  
到任

李瑞

從事郎乾道八年  
到任

張鈞

從事郎淳熙二年  
到任

詹嗣慶

文林郎淳熙五年  
到任

韋能問

從政郎淳熙七年到任

趙善訓

宣教郎淳熙九年到任十年磨勘轉通直郎十三年滿

盧勝非

從政郎淳熙十三年到任遇慶典轉文林郎

王阮

承議郎淳熙十五年到任覃恩轉朝奉郎賜緋魚袋磨勘轉朝散郎紹熙元年通理筠州新昌縣年滿

錢棣

文林郎紹熙元年到任四年滿

宋清卿

文林郎紹興四年到任五年覃恩循儒林郎慶元元年賑濟循承直郎二年致仕

湯涓

承直郎慶元二年到任六年滿

應振

儒林郎慶元六年五月二十二日到任八月二十八日致仕



富叔

承直郎慶元六年到任嘉泰二年丁母憂

葛洪

從政郎嘉泰二年到任開禧二年滿

為德言

從政郎開禧二年到任嘉定二年滿

王正卿

儒林郎嘉定二年到任四年致仕

錢聞遠

儒林郎嘉定五年到任七年離任

江輝

承奉郎嘉定七年到任九年離任

鄭伯謙

宣教郎嘉定九年到任十二年滿

聞韶

宣教郎嘉定十二年到任十四年磨勘轉奉議郎十五年遇寶壘恩轉承議郎

趙大忠

承議郎嘉定十五年到任在任轉朝散郎寶慶元年十二月二十八日滿

沈剛孫

奉議郎寶慶元年十二月二十九日到任二年十二月七日到任致仕

詹仁澤

承議郎寶慶三年四月十六日到任紹定元年六月十六日到任致仕

社稷

壇在縣西南一百步嘉定末年令趙大忠修

城隍

惠應廟縣南城內世傳廟神茹侯本邑人今茹侯村其所居也  
英烈忠毅生有殊績沒而人祠之建炎四年車駕巡幸賜今額

學校

熙寧八年令張懿文初建學於縣東一百步中為大成殿元豐八年令張節記於石元祐七年簿尉顧復經又徙而東四十步崇寧中廢士附籍於鄰邑政和六年令張如晦重建主簿詹之綱記淳熙十六年令王阮徙於縣南之芙蓉洲嘉泰開禧間令葛洪建講堂曰申義攻媿樓公鑰書其匾而記之置田養士學校始具體矣  
祭器一百六十七件

祭服三副

御書

寶慶訓敕士風御筆二軸

一係漕司頒降  
一係本府頒降

官書

經史子集一十八部計一百六十九冊

錢糧

水田五百六十畝二角二十五步

山地屋基竹塹九百一十三畝一角四十三步

歲收

米一百九十七石二斛租錢三百二十七貫七百八十四文

城郭

縣城周廣五里

城巷

惠應坊

城隍廟巷

旌孝坊

狀元橋東為張超孝行立

聯桂坊

上榮為趙氏兄弟聯名登第立

倉庫場務等

濟民倉

嘉定末年令趙大忠建慈湖楊簡記

庫

正監鹽場

縣東南一百八十步唐曰富都十監之一也以喪亂廢皇朝端拱三年八月十五日復建又有子場曰通東

東江鹽場

縣東八里又有子場曰曉峰在縣西十二里曉字本避英宗皇帝廟諱更名屯田郎官柳

永耆卿嘗為監場有長短句題壁因兵火失之

岱山鹽場

縣北海中二百五十里熙寧六年置

高南亭鹽場

高亭南亭二甲元隸岱山場相阻一嶺每行則經大洋嘉定元年立為正場

蘆花鹽場

縣東十三里本曰東監為西監子場其教寓於謝浦歲久弗治淳熙十五年監官鮑謂新

之嘉定五年  
置為正場

居養院

舊在縣東北一百八十步皇朝崇寧元年十一月置政和二年七月移置縣北二百九十步

安濟院

縣東北一百八十步皇朝崇寧二年八月建政和二年七月移建縣北二百九十步

漏澤園

縣北一里皇朝崇寧三年四月建

公宇

縣廳

鎮龍山下山自北來為龍峯蜿蜒南走屹為一小峯縣治據其麓熙寧六年八月十九日創

宣詔亭

縣治前

鼇峙亭

浮香亭

斲雲亭

廉泉亭

以上皆在縣治之後

冰壺亭

城南芙蓉洲環以芰荷舊名清遠乾道六年主簿趙善譽易之

待潮亭

舟山

恩波亭

大生堂

主簿王子亭建令趙大忠記與恩波亭相邇乃祝聖壽放生之所也



# 官僚

主簿

初置縣以簿兼尉隆興元年守臣韓仲通請置武尉乃詔衛閔中專主簿事廳事在縣東分尉廳為之

尉

熙寧六年先令而置凡三鄉關訟盜賊之事得專焉惟情狀隱伏始以屬邑已而置令詔止兼簿隆興元年五月一日易以西班簿與之並置而廳舍圭租皆與簿分之

三姑都巡檢

治在三姑山縣西北八百里

指使兩員

一治列港  
一治岑江

岱山巡檢

治岱山縣北海中二百五十里熙寧以前昌國監有巡檢兼監鹽既置縣則移巡檢於岱

山駐劄仍兼監岱山鹽場主管烟火公事巡捉私茶鹽香等後別置監鹽巡檢止守本職

西監監鹽二員

一文一武初謂蘆花為東監正監場為西監凡五場皆西監統之其後四場相

繼為正場各置監官則與本監並列為五矣

東江監鹽武一員

岱山監鹽押袋武二員

高南亭監鹽武一員

蘆花監鹽文一員

寶慶二年提鹽余鑄奏選辟文資

驛鋪

依憩館

道隆觀東定海縣丞趙崇賀權縣創建

舟山館

今趙大忠創建

問湖亭

城南背負舟山前瞰門鹿下臨大洋淳熙十六年建

鋪

以乘潮往來府縣故不置

### 叙山

翁山一名翁洲縣東三十里徐偃王所居也今城址猶存抱樸子論古僊者之藥以登名山為上而以海中大島嶼若會稽之東翁洲之類者次之乾道間耕者於其下得銅鼎一無足而有耳耳亦不穿中可容斗

餘而底之埃墨猶在以歸進士陳節謂煉丹之遺器  
補陀洛迦山在東海中佛書所謂海岸孤絕處也一名  
梅岑山或謂梅福煉丹於此山因以名有善財巖潮  
音洞洞乃觀音大士化現之地唐大中年西域僧來  
即洞中燔盡十指親覩觀音與說妙法授以七色寶  
石靈跡始著海舶候風於山下謂之放洋瞻禮唯謹  
名公亦多遊之紹興初給事中黃龜年為之贊十八  
年史越王以餘姚尉攝昌國鹽監三月望偕鄱陽程

休甫由沈家門汎舟風帆俄頃而至詰旦詣洞寂無  
所覩炷香烹茗但挽面浮花而已晡時再往一僧指  
巖頂有竇可以下瞰公扳緣而上忽見金色身照曜  
洞府眉目瞭然程所覩亦同唯公更見雙齒如玉雪  
天將暮有一長僧來訪云將自某官歷清要至為大  
師又云公是一好結果底文潞公他時作宰相官家  
要用兵切須力諫後二十年當與公相會於越遂告  
去送之出門不知所在乾道戊子以故相鎮越一夕

典客報有道人稱養素先生言舊與丞相接熟不肯  
通刺疾呼欲入謁亟命延之貌粹神清譚論鋒起索  
紙數幅大書云黑頭潞相重漆萬里之風光碧眼胡  
僧曾共一宵之清話遽擲筆不揖而行公大駭遍遣  
兵吏尋覓不復見追憶補陀之故始悟長身僧及此  
道人皆大士現身也淳熙己酉公正位太師自道本  
末云爾洞前崑崙嵌嵌措足無地僧德韶鑿石甃橋  
六年始成禱謁者便之嘉定七年寧宗皇帝親灑宸

翰為匾曰大士橋

史越王事見補陀寺壁記及會稽志

東霍山在東北環以大海世傳徐福至此山有石碁盤修竹環之風枝掃拂常無纖塵若有使之者又相傳以為僊而舊志所謂虎豹龍蛇人不可到者妄也

桃花山在東南世傳安期生煉丹之所嘗以醉墨灑石成桃花紋山因以名

馬跡山在東北安期生洞在焉

石弄山在東北山石玲瓏故以名

西蘭山

大若山

檉岸山

浮塗山

舊名浮塗

礪石山

滕畧山

窄客山

以上並  
在南

小竿山

大竿山

蘭山

崑斗山

麻隩山

蛟山

登部山

黃公山

馬秦山

黃砂山

徐公山

雙嶼山

石珠山

以上並  
在東南

東勾曲山

石馬山

石牛山

隩山

以上並  
在東



蘭山

浪港山

深水山

莆澳山

蛇山

竹山

洋山

東蘭山

元霍山

西枯山

東曉山

東枯山

桑子山

舊名桑石

石蜀山

東胸山

川石山

北壁山

西須山

須皓山

落華山

青閣山

以上並  
在東北

大磧山

東乳山

東岱山

西朐山

大洋山

弔嶼山

以上並  
在北

回峯山

西良山

長塗山

三姑山

灘山

長白山

西岱山

正策山

吳農山

如岸山

橫子山

冊子山

西桑山

以上並  
在西北

嘉門山

曉峯山

以上並  
在西

小茆山

三山

大茆山

砂羅山

以上並  
在西南

外有藿山黃石雞鳴東豸西豸碓砧大板洋橫馬乳  
宜山汐嶼烈表五嶼虎頭方橫白踏大桑雲嶼青屯  
黃屯龜鼈丁興黃隆楊岸畫榜門小磧黃羅門大小  
板綠獅大小鐳廟址等山皆海中有名者人跡所罕  
到姑附於後

叙水

橋梁津  
渡附

水

海環四方縣若洲島然

放生池在南芙蓉洲也

東龍潭在東當延福萬壽之中有龍祠焉凡禱先此

洩潭在東北三十六里潭據山腰深淺不可測宣和中

早簿尉劉佖投以詩曰未躍天衢卧寂寥碧潭流溢

海山腰埋藏頭角雖多日鼓動風雷在一朝既若有

心成變化豈能無意澤枯焦神蹤許為蒼生起願擊

闕

上九霄詩沈而雨時人異焉

岑江潭在西小岑江上遇禱而應蜥蜴必出

惠泉井在北一里深二丈端拱二年所鑿也大旱不枯  
間有白蛇出現井之靈也

富都湖在東北八十里舊名萬金周廣三十里今皆為  
田渚水之所挾甚而泉湧其間旱車輻湊未嘗少減

### 橋梁

監橋

城南熙寧元年建日中之市開集其上久而歌毀紹熙元年令王元新之

曉峯橋

城西淳熙十五年西監監鹽鮑謂侈大之

狀元橋

市心紹熙三年令王阮創立於兩邊石欄刊二句云人從石上行狀元此時生後遂以狀元名

之寶慶元年令沈剛孫建亭五間於上二年圯於風

津渡

潮渡已見境土門

舟山

去縣五里超城由此塗出令趙大忠新創隄岸臨江校官應繇記自縣至府涉海洋有風波盜賊之虞本府元有大渡船二隻委江東寨兵分番撐駕各支小券錢米應過渡人每名止收錢五十文足縣屬之尉府屬之都稅院批歷點放不許過有乞求亦不許裝發私貨然水軍不受昌國統轄往來率不如期每遇解發官錢專挾私商殊失當來濟渡民旅之意且船久已弊寶慶三年守胡槩捐楮券五百緡有奇新造二船視舊加廣行下昌國委二姑寨兵主之人給券食屬都稅院與縣尉點放如故仍照浙江官渡例過渡人各給一牌收錢批歷為照有容私者許定海務檢覈過渡人陳告其

兩處所收渡錢遇月終解  
赴軍資庫以備修船之用

### 竿纜

### 金塘

#### 叙產

郡志已詳所未載者岑客山之艾葉肥大如本草所述  
蘭山之蘭綠葉紫莖如楚騷所云二種各盈山特地險  
遠難致黃山谷云海岸孤陲洛伽山譯者所謂小白花  
山予疑此即山礬不然何以觀音老人堅坐而不去也

金匱要略卷之二十一  
今洛伽山無山礬乃有一種花如瑞香而色白香之清  
冽似之皆其異者也海族則岱山之蠟醬獨珍他所雖  
有之味皆不及此

叙賦

鄉村

富都鄉距縣半里總九都管里二村二

德行里 鼓吹里

甬東村 茹侯村



安期鄉縣東南海中一百里總三都管里一村三

三山里

桃花村

馬秦村

扶桑村

金塘鄉在縣西南海中一百里總四都管里一村二

湖上里

大輿村

列港村

蓬萊鄉在縣東北海中二百五十里總五都管里一村

三

岱岸里

岱山村

胸山村

北界村

鎮市

岱山鎮

縣北  
海中

戶口

主七千六百六十五戶計二萬三千一十四口

客五千八百七十六戶計一萬八千四百八十八口

夏稅

絹二千五百五十八疋三丈一寸二分

正稅九百六十四疋三丈一寸二分

和買一千五百九十四疋

紬六百二十五疋三丈九尺六寸七分

正稅二百四十五疋三丈九尺六寸七分

和買三百八十疋

綿一萬七百二十二兩六錢二分

折變

折帛錢

絹五百八十六疋計錢三千八百六十三貫文

正稅一百八疋每疋七貫文計七百五十六貫文

和買四百七十八疋每疋六貫五百文計三千一

百七貫文

紬三百九十七疋計二千六百二十七貫文

正稅九十三疋每疋七貫文計六百五十一貫文

和買三百四疋每疋六貫五百文計一千九百七

十六貫文

綿四千二百二十一兩每兩四百文計一千六百八十  
八貫四百文

亭戶折鹽

絹一百一十五疋二丈九尺二寸

紬三十四疋一丈四尺九寸

綿一千二百三十二兩二錢

實催本色

絹一千八百七十三疋三尺四寸

比元額增一十六疋二尺四寸八分

係人戶續增團田及補所虧納數

紬一百九十四疋

比元額虧二丈四尺七寸七分八釐數

綿五千二百六十九兩四錢二分

秋稅

苗米三千六百八十九石一斛三升三勺

元額二千六百三十三石

一斛三升三勺續添新收人戶園田米五十六石

折變

亭戶折鹽四百四十四石五斗二合

實催本色三千二百四十四石六斗二升八合三勺

酒

人戶買撲酒坊一十五所

二店附

翁山坊

白泉坊

大蘆坊

大舟店附

翁浦坊

馬秦坊

崑斗坊

中界坊

防海坊

岱山坊

北界坊

岑江坊

小砂坊

厲舉坊

冊子坊

金塘坊

烈港店附

歲額淨息錢一萬九百二十七貫一百八十八文

常平司九千七百九十四貫四百文

本府一千一百三十二貫七百八十八文

商稅

無

砂岸稅錢四千貫文

雜賦

免役錢兩料共六千八百貫三百八十八文

實催到六千六百三十七貫四



百七十八文本縣補支發一  
百六十二貫八百三十文

縣吏支五千七百三十四貫六百九十二文

本府一百九十一貫四百六十四文

解發減省人吏  
錢在京官員催

錢及支府吏  
錢並在內

經總制司七百七十二貫八百二十四文

官戶不減半二十九貫三百二十八文

常平  
司

頭子錢七十二貫文

茶租錢一十三貫五百文

水腳錢二百四貫四百六十文

職田

米五百一十四石一斛三升二合七勺

每年申  
府支豁

鹽

正監額一萬二十六袋一石一斛九升二合五抄

岱山場額一萬四千六十袋一石一斛

東江場額一萬二十六袋一石九斛九升六合二勺五

抄

高南亭場額三千六百袋

蘆花場額三千六百袋

叙兵

弓手

尉司額七十三名

土軍

三姑寨額六百三十八人今五百四十人

岑江烈港二寨就本寨內

撥隸

岱山寨額一百二十人今一百五人

叙人見郡志

叙祠

神廟

黃公祠在東海中晉天福三年建舊圖經雖有之其實未詳按晉賈充問會稽於夏統統曰其人循循有大禹之遺風太伯之義遜嚴光之抗志黃公之高節而會稽典錄亦稱人材則有黃公潔已暴秦之世然則

四皓之一也至西京雜記乃曰東海人黃公少能幻制蛇虎嘗佩赤金刀及老飲酒過度有白虎見於東海黃公以赤刀厭之術不行為虎所食故張平子西京賦曰東海黃公赤刀與祝冀厭白虎卒不能救挾邪作蠱於是不售按據不同今兩存之

岱山廟在北海中其神名稜姓陳氏字長威廬江襄安人隋大業中航海擊流求國俘斬頗衆事見隋史廟以端拱二年建號陳將軍廟紹興十七年重修進士

施知微記朐山亦有祠

烈港廟東北海中廣德軍廣惠廟也紹興二十年都巡

檢使李全建教授高閤記

徐偃王廟在東地名翁浦俗呼為城隍頭十道四蕃志  
云徐偃王城翁洲以居其址今存按史載偃王之敗  
北走彭城武原東山下以死疑非此海中而韓文公  
為衢州廟碑乃記或者之言曰偃王之逃戰不之彭  
城之越城之隅棄王几斫於會稽之水則十道四蕃

志或可信矣

洋山廟東北海中唐大中四年建黃洽記云海賈有見羽衛森列空中者自稱隋煬帝神遊此山俾立祠宇建炎四年車駕幸海道以煬帝不可加封特封其二妃為惠妃順妃夫人為明德夫人勅藏於廟近方刻

石知衢州袁甫記

紹熙元年令王阮修縣志謂神遊之說不經然寇之欲掠也必卜焉

弗吉即散並海之民賴之宜其久而不廢或又云煬帝迹不至此陳稜伐琉球國廟於岱山胸山或因其臣祀其君如長沙祀定王而并祀高文二帝也

宮觀

道隆觀縣南本東嶽廟宣和二年賜觀額守臣樓昇所請也

寺院

禪院十

九峯山吉祥院縣北六十里唐開元中高僧惠超居是山香栢巖草衣木食遂開此山其巖高峻不可到時聞鐘磬聲而已漢乾祐二年號曰崇福皇朝治平元



年賜今名熙寧中始建輪藏其神靈甚邑人有禱必  
歸焉建炎初給事中黃龜年施辟支佛牙長四寸闊  
一寸舍利盈綴時見五色紹興十八年主僧法寧建  
大閣藏之刻石以記常住田一千五百六十六畝山  
三千七百七十九畝

普慈院縣北五里舊名觀音唐大中十四年建皇朝治  
平元年賜今額世傳東晉韶高僧隱於此常住田九  
百一十八畝山三千一百二十畝

萬壽院縣東北三十里舊名永福皇朝建隆元年建治  
平元年賜今額常住田九百六十畝山八千六百六  
十畝

保寧院縣東南海中舊名保安晉天福元年建皇朝治  
平二年賜今額常住田一百四十九畝山一千二百  
二十九畝

祖印院縣東北海中舊名蓬萊晉天福五年建皇朝治  
平二年賜今額常住田二百八十畝山一千二百九

畝

延福院縣東四十里舊名羅漢唐光化二年僧法融建  
皇朝大中祥符元年賜今額淳熙十四年更律為禪  
從守臣岳甫請也常住田六百三十五畝山三千三  
百八十畝

梅岑山觀音寶陀寺在東海中梁正明二年建因山為  
名寺以觀音著靈使高麗者必禱焉皇朝元豐三年  
有旨令改建賜名寶陀且許歲度僧一人從內殿承

旨王舜封請也紹興元年郡請於朝革律為禪嘉定  
七年寧宗皇帝御書圜通寶殿四大字賜之且給降  
緡錢一萬俾新祠宇常住田五百六十七畝山一千  
六百七畝

迴峯院縣西皇朝建隆元年建常住田九百四畝山一  
千一百二十一畝

興善院縣西三十里後唐大成二年建名小善皇朝治  
平元年賜今額常住田四百四畝山一千二百六十

三畝

廣福院常住田四百二十四畝山九百九十八畝

教院六

超果院縣東海中舊名資福晉天福二年建皇朝治平

二年賜今額常住田三百七十二畝山二百二十五

畝

化城院縣西海中舊名羅漢乾祐元年建皇朝治平二

年賜今額常住田五十畝山一百八十畝

資福院縣東北海中晉天福八年建常住田三十三畝

山無

華雲寺縣東北海中舊名香蘭周顯德七年建皇朝治平元年改賜空王建炎三年再賜今額常住田一百三十畝山四百四十畝

封崇院縣東海中舊名資福又名資國周廣順元年建皇朝大中祥符三年賜今額常住田一百六十七畝山五百一十二畝

接待觀音院常住田五畝山無

十方律院

潭石廣福院縣東南海中舊名崇壽皇朝端拱二年建  
熙寧元年賜名壽聖紹興三十二年改賜今名常住  
田五十八畝山一百八十七畝

甲乙律院六

翠羅院常住田一百八十一畝山三百九十畝

隆教院縣東北四十里漢乾祐二年建名降錢皇朝大

中祥符三年賜今額常住田三百六十一畝山一百六十一畝

保安院縣東北海中漢乾祐二年建常住田九十八畝山一百七十畝

梵慧院縣西海中唐咸通中建漢乾祐二年立名壽聖皇朝開寶二年改賜超果治平二年再賜今額有佛殿記臨川晏

從享從文

復撰常住田三百畝山一百三十

畝



普濟院縣西海中舊名山門漢乾祐元年建皇朝治平二年賜今額常住田八十五畝山一百一十畝

普明院縣西北海中古泗洲堂也宰堵波二以鐵為之世傳阿育王所鑄錢氏忠懿王寘之於此皇朝大中祥符中賜院額紹興十八年僧曇解侈大之高麗人貢候風於此

叙遺

車駕巡幸已見郡志

紀變

烏石塘三一在馬秦嶼一在下塘頭千步砂一在桃花嶼昔皆大洋也百年之間或卷砂以為堤或推石以為塘中成膏腴不以人力然則海變桑田非虛言也

存古

安期先生洞在馬秦山世傳安期生隱於此因以名鄉馬

查浦在東夏侯曾先地志云吳伐越次查浦深入至此宜幻踐不能忘也

鼓吹峯在翁浦中其山之陰曰戰洋曰馬嶼其對即偃  
王祠也世傳孫思之竄亦在此按思自其叔泰以罪  
誅即竄海島史雖不指島名以地考之隆安四年夏  
四月寇浹口入餘姚五年二月丙子又自浹口攻句  
章及滬瀆海鹽之敗自浹口復竄於海浹口蓋今定  
海昌國之間虎蹲交門之側也跡其出沒皆由於是  
則其巢穴容有在此者矣今之遺址為偃王為思未  
可知也

頌河古城去縣七八里世傳始於此築城建邑以土輕  
移就鎮鰲今城基尚存

寶慶四明志卷二十

欽定四庫全書

寶慶四明志卷二十一

宋 羅濬 撰

象山縣志全

叙縣

沿革論

象山縣在秦漢時為會稽郡鄞縣地晉析臨海縣之北  
與鄞縣之安北鄉置寧海縣屬臨海郡

臨海縣本會稽郡回浦縣地後

漢改回浦曰章安吳太平二年析章安置臨海縣赤城  
志云晉武帝太康元年析臨海之北置寧海縣寧海土  
風志云縣本漢回浦鄞二縣大元三年裂  
鄞之八百戶安北鄉二百步置寧海縣

隋開皇九年

廢鄞入句章屬會稽郡廢寧海入臨海屬永嘉郡唐武

德四年析句章置鄞州析臨海置寧海縣七年省寧海

入章安縣屬台州八年廢鄞州為鄞縣屬越州永昌元

年復置寧海神龍二年析寧海及鄞置象山縣屬台州

開元二十六年置明州於鄞縣廣德二年以象山屬明

州海曲有山形如象故曰象山縣始置時監察御史崔

皎奏於山之東麓彭姥村立縣治以山名名之三陞皆  
海惟西南有路通寧海縣貞元中為中縣有五鄉皇朝  
景德三年併為三鄉九域志為下縣

境土

東西二百里南北二百五里縣治西北距府城驛三百  
七十一里

東至鄞縣界八十里以東殊山為界

西至台州寧海縣一百里以磕蒼山脊為界

南至台州寧縣界一百九十里以秋盧門海港為界  
北至鄞縣界一十五里以嶼山為界

東南到海六十里

西南到台州寧海縣界一百十五里以漁溪海港碣蒼  
山脊為界

東北到鄞縣界四十里以鄞港及中流及翁山為界  
西北到奉化縣界二百四十五里以鄞港中白石山為  
界



風俗

土狹而人尚儉訟稀而賦易辦宦遊者謂之海東道院  
士夫安於恬退庸庶勤於耕墾少蠶織多漁鹽無巨室  
無巨商淳厚有古之遺風焉

縣令

楊弘正

唐大中元年  
修棲霞觀

陳握

皇朝太平  
興國三年

李士龍

樵居實

端拱元年  
令兼簿尉

閻道化

淳化  
二年

宋去華

淳化四年  
令兼簿尉

楊逢獎

淳化  
五年

李顯

至道二年定海  
縣主簿兼令尉

朱照

咸平  
元年

何肅

咸平  
三年

胡晝

咸平  
六年

司空禧 景德二年

張陶 景德三年

董京 大中祥符元年

朱文郁 大中祥符四年

趙可及 大中祥符六年

李士寧 大中祥符九年

邢譔 天禧三年

郭昭華 乾興元年

杜宏

天聖三年

楊圭質

天聖七年

竇軻

明道元年

陳良

景祐二年

慎晏

寶元元年

東方覲

康定元年

季符

康定二年

任永德

慶歷四年治石楔以捍海見劉攽西谷記

張積慶

歷八年

郎洞

皇祐二年浚河蓄水以備旱見劉攽西谷記

魏中師

皇祐五年

張仲義

至和二年

顧方

嘉祐三年有治績踰年而死民哀而祠之見劉攽西谷記

陳玠

嘉祐六年

林旦

治平元年劉攽西谷記曰以文學為政邑民宜之嘗大病民有割股肉以療者吾聞其通海西港以利涉板築縣城而正社稷夫子之位堂宇壘墻皆應古典既知所務矣修治西谷益植花卉因其老

木修竹作為亭棚以眺望滄海而想蓬萊非其有餘力而暇及此哉

江樸

治平四年

黃顏

熙寧三年

杜調

熙寧六年

滕寶臣

熙寧九年

程漸

元豐二年

蘇幹

元豐五年

葉授

元祐元年

彭育

元祐四年

章允文

元祐七年

丁執文

紹聖四年

裴公冕

元符元年

祝粹

元符三年

王劭

崇寧元年

徐敏求

崇寧元年

朱戩

崇寧四年

李岨

大觀二年

李丞

大觀三年

江翊

政和二年

翁範

政和七年

錢塘

宣和元年  
丞攝邑

彭洵

宣和七年

王冶

建炎三年

周秘

建炎三年



趙舉之建炎四年

毛檉紹興三年

宋砥紹興七年

王莘紹興十年

馬希哲紹興十三年

左邵紹興十六年

謝徽紹興十九年

慎知柔紹興二十二年

沈元壽

紹興二十五年

俞光疑

紹興二十八年

范嗣蠡

紹興二十九年以司戶攝邑

晏解

紹興三十年

胡琦

隆興元年

葉榆

乾道二年

褚伯起

乾道五年

張安中

乾道八年

高子莫

淳熙二年

蘇森

淳熙五年以  
定海尉攝邑

許知新

淳熙五年

蔣鶚

淳熙九年

徐榕

淳熙十一年

王椿

淳熙十一年

胡榘

淳熙十四年以  
監比較務攝邑

李孟傳

淳熙十五年

朱光朝

紹熙二年

唐士列

紹熙五年以監  
昌國鹽場攝邑

趙善與

慶元元年

沈球

慶元三年以監  
比較務攝邑

韓元禮

慶元四年

趙潭夫

嘉泰元年

張拭

嘉泰四年

周褒然

開禧三年

施季豹

嘉定三年

袁一之

嘉定五年

王懌

嘉定十年以  
定海丞攝邑

汪賢舉

嘉定八年

趙崇賀

嘉定十年以  
定海丞攝邑

趙善晉

嘉定十一年

王度

嘉定十五年

趙希魯

嘉定十六年以  
昌國簿攝邑

李齊愈

嘉定十七年

李仁明

寶慶三年

曹泳

紹定元年以  
司法攝邑

毛遇順

修職郎紹定元年  
八月初七日到任

社稷

壇在縣西二百步治平中令林旦修

城隍

廟在縣西南二百四十步唐神龍二年建

# 學校

至聖文宣王廟與學同建於唐會昌六年在縣東南一百步  
前鄉貢三傳王闢記皇朝嘉祐中令顧方修繕講肄尤盛刻前  
記於石治平中令林旦重修建炎兵燬隆興元年令胡琦重建  
且記之久而圯講堂四齋以及門廡慶元六年令韓元禮所更  
新也大成殿嘉定十一年令趙善晉所更新也殿成校書郎張  
虞記之昌國簿趙希魯以十六年來攝邑事創亭曰攀桂

祭器

主簿方東置

祭服

闕

御書

寶慶訓敕士風御筆二軸

一軸漕司頒降  
一軸本府頒降

錢糧

穀二百八十二石四斗

租錢二十七貫四百文

海塗稅錢一百五十貫三百五十文

元納本府嘉  
定四年守王

介截撥下

縣學養士

城郭



縣城周圍一百五十步治平中令林旦築河水環之東門曰登瀛西門曰登台

坊巷

蓬萊坊

明倫坊

襲慶坊

三瑞坊

遺愛坊

興孝坊

綠野坊

裕民坊

聯桂坊

晏清坊

鳳躍坊

太平坊

聞弦坊

應真坊

叢桂坊

望僊坊

崇仁坊

拱星坊

興文坊

倉庫務場等

倉

縣西  
十步

義廩

嘉定六年主簿趙善幹置  
分頓三鄉寺院以便賑糶

庫

縣廊

酒務

縣西南一  
百八十步

教場

縣尉  
廳近

王泉鹽場

紹興初置縣東北三十里  
又有子場曰瑞龍曰東村

王女鹽場

縣南九十里本王泉子場以監官  
往來迂遠嘉定四年立為正場

居養院

皇朝建中靖國元年四月以百姓  
為之崇寧四年十月以地里遙遠  
移縣東一百

五十步

安濟坊

縣東一百五十步皇  
朝崇寧三年六月建

漏澤園

縣東北三里皇朝  
崇寧三年六月置

公宇

縣樓門

慶元四年令  
韓元禮重建

宣詔亭

縣樓外東寶慶元年縣令季齊愈建

班春亭

縣樓外西寶慶元年縣令季齊愈建

勅書樓

嘉定十四年令趙善晉重建

廳

淳熙四年令高子莫重建

堂

淳熙十五年權縣胡渠重建

廳軒

慶元四年令韓元禮重建

西廳三瑞堂

嘉定十三年令趙善晉重建

東廳

寶慶二年令季齊愈重建

待賢亭

縣東門裏

迎麾亭

縣西門裏

無量壽亭

嘉定十三年縣令趙善晉於放生池北建內有無量壽佛像

綠野館

縣南一百步直前竹洋田後臨放生池嘉定十二年縣令趙善晉重建

觀瀾亭

縣北一里象潭山之趾治平中縣令林旦置左丞許將有詩

應真亭

縣西一里煉丹山頂治平中縣令林旦置紹興中縣令俞光庭重建嘉定十三年縣令趙善晉

移置於仙掌巖之前

濯纓亭

縣西一百步谿側西谷桃源徑之間治平中縣令林旦置

灌木亭

縣西一百步山間西谷之南治平中縣令林旦置其側有曲木亭竹間亭射圃

升浮亭

仙掌巖之下慶元初縣令趙善與建

照香亭

就縣治西牆為之俯瞰醅醖縣令趙善與重建

香風亭三友堂更好亭芥庵竹籬茅舍月臺桃嶺望稔

樓

皆在縣治西圃慶元初縣令趙善與建

滌塵亭又名東谷泉亭

縣東北四里有泉泓然雖旱不枯往來便於汲飲嘉定十二年

縣令趙善與置亭於側

方壺亭

縣西北一里鴈躍泉之南林木蔭翳巖崖敬峭僅容一亭下睨清湍嘉定十二年縣令趙善與

置

圓嶠亭

縣東一里東谷桃花蹊之南四山盤旋前揖松蘿下俯石澗嘉定十二年縣令趙善晉置

官僚

主簿

廳事縣治之東寶慶三年主簿姚時雍重建平易堂嘉定六年主簿趙善漸建寺簿徐僞書丹黹堂

尉

廳事縣東一百步隆興初置武尉以蓬萊驛為之

監酒

王泉監鹽

廳事縣南五里紹興初有監官二員文武通差一押袋一催煎其瑞龍東村王女溪三場

兼領之嘉定四年分王女溪為正場以押袋  
為監官催煎為王泉監官兼領瑞龍東村二  
場

王女溪監鹽

廳事  
本場

東門寨巡檢

寨在縣南一百里東門山側當海道之衝  
舟舶多艤於此嘉定二年置寨官一員於  
定海撥水軍六十人更戍之十  
四年臣察奏寨兵擾民竟罷

驛鋪

蓬萊驛

縣東一百步今  
為縣尉廨宇

西谿驛

縣西南四  
十里久廢



應真館

縣東一百四十步久廢

陳山驛

縣東北一十五里久廢慶元元年縣令趙善與復置

後倚驛亭

縣西四十里海際嘉定十六年智門院住持僧師哲建

西砂嶺驛亭

縣西三十里嘉定十六年智門院住持僧師哲建

鋪

乘海潮往來府縣故不置

叙山

象山縣北半里山形如象因以名焉山腰有水曰象潭

唐乾符二年鳳凰翔於山之巔故又名鳳躍峯

玉几山縣南十五里縣治對之為案山

煉丹山又名蓬萊山縣西一里衆山隱映圓秀其巔平夷有丹竈及煉丹亭址陶隱居嘗煉丹於此更上有峯巍然號大煉丹海上望之層巒傑嶂如畫邑人逢春登覽號為勝槩其側有僊掌巖掌跡隱然

鼓吹山縣東八里其峯崒然孤峻天將雨雲霧先起有聲轟轟如鼓吹鳴

僊跡巖縣東十五里地名杉木橋長七尺許廣三尺指

跟瞭然巖洞濶於屋數間洞內有石佛像頗多洞前  
之石平夷濶三丈許成五彩文有石獅子如羊犬蹲  
踞圓巖上

聖孃山縣南十里世傳昔有一女在山上隱見若神  
南巖又曰千頭巖縣南五十里三巖參天如列筍而中  
者尤峻拔

道士巖縣南五十里疊石高數十丈特立路旁冠貌儼  
然宛類道士

東門山漢書地理志所謂天門山也

奉化縣亦載天門山象山奉化皆古

鄞縣地也姑兩存之

高二百丈周圍二十五里兩峯對峙其狀

如門濶一百五十餘步下有橫石如閘潮退湍瀉惟風平浪息乘舟可渡蕃舶商船必經從之潮未平或有風濤則蟻聚泊山下此海道之衝要也

甌瓦山狀如甌瓦因以為名巖上有僊跡長尺餘版場坑山巖上有僊跡長尺三寸深半寸

師孃與山舊有農人墾地獲一古鐘

三萼山有三峯四時秀潤及春雜樹奇花交相輝映尤為綺麗可觀

子綰山世傳古有漁人于綰常漁于山之下後卒於此因以為名

東西濤山四面大水環繞風濤喧吼未嘗暫息人跡罕至焉

檐子山狀如曲檐

陽大嶼山

秋盧門山

大門山

石壇山

以上皆縣  
南海中

佛頭巖縣東南二十五里巖甚陡峻高可十餘丈  
上如佛首中斷如蜂腰岌然欲搖動又謂之搖  
巖環巖遠近皆蒼筤花遇夏花開彌望如雪香  
聞十餘里

鋸門山縣東南二十五里其山兩崖對峙中斷如

門因為名

面現山與縣相望山尤高聳無他山間隔望之峯巒畢現因為名

大睦山

秋閑山

韭山

大薤山

以上皆縣東南海中

雞籠山縣西南五里圓秀望之如雞籠山麓有白鶴

廟南史雷次宗傳云次宗篤志好學尤明三禮毛詩  
隱退不受徵辟宋元嘉十五年徵至都開館于雞籠  
山聚徒教授置生百餘人即此山也

伍師山縣西南四十里上有白龍潭舊有五僧修道於  
上

台明嶼縣西南海中兩山相對一台山一明山此台明  
分界之所

馬鞍山始皇時望氣者云南海有五色氣遂發卒千人



鑿以斷山之岡阜今其山兩頭起峯形如馬鞍因以  
為名

雙泉山其上有二穴出泉味皆甘美可飲過舟常汲  
之

東殊山

以上皆縣  
東海中

天印巖縣西七里大巖其巖如六花印

化氣巖縣西三十里又號蒙頂山每于夏月炎旱之時  
居民輒于此山驗之見有少雲氣自巖竇出不久必

雨

西殊山縣西海中

金雞嶺縣東北二十五里嶺上小大之石皆有雞爪距

跡

珠巖山縣東北三十里世傳蕃舶自海中望見此山  
常有寶氣因航海至山中尋之不獲而去半巖又  
有古檣一株盤鬱糾結狀甚奇怪人莫能取或傳常  
出白堊

鄭行山縣西北十里山尤高聳奇峰危岫不可具狀  
其中產靈草佳茗世傳舊有鄭行結庵於上因以  
為名

新羅舉山縣北七里耆舊相傳新羅國人嘗泊舟於  
此

叙水

渠堰礮開橋  
梁津渡附

水

海環三陸東南皆大洋北則巨港東曰錢塘南曰大睦

西南曰東門皆蕃舶閩船之所經從自錢塘而北則  
定海自東門而南則台溫此大洋也其北港則陳山  
渡舟之往來東達於洋西距鮎埼由陳山渡一潮至  
方門再潮至烏埼三城可至府城下

放生池縣南百步

白馬湖縣東南十里初縣之東塘山有王氣鑿之有白  
馬飛入湖中因以為名

舊河在縣之南合三十六澗灌上洋田六萬畝十里流

於朝宗碑又五里西至靈長碑

瑞龍河千有餘丈在縣之東

千文河在縣之西二河皆淳熙五年令許知新創開以  
灌下洋之田

龍洞縣東南二十五里鋸門山之趾也世傳五龍聚會  
之所洞瞰巨海中如石屋濶數丈每歲上巳邑人俟  
潮汛退棹舟入洞觀之巖花石乳繽紛懸墜下有白  
黑碁子石布於沙磧更入四五丈巖迴洞深洶湧澎

拜寒陰凜然不可進矣天將大雨水如雷鳴聲聞十餘里歲旱投以硃書鐵簡則雨立應

東攝潭縣西七十里層峯峭壁捫羅而登有小瀑布流下於潭為歲旱禱得鶴龜則雨隨車至鶴龜其甲尺許犇如鸚鵡尾長八九寸鱗甲炯然

白龍潭縣南三十里伍師山巔為旱禱雨多應

清潭縣西南十里山木陰翳上有石雷注水於潭石壁多菖蒲主簿陳震嘗為旱禱甫下山而雨作

湧泉潭縣西南十五里潭清淺人謂龍穴亢旱則斬鵝  
祭之饒鼓方鳴泉即湧出或有得雲母石於潭側者  
瀑布泉縣西南四十里泉瀉於靈巖之上飛流濺沫迨  
百餘丈有猿藏巖中時出沒於瀑布之間鄧仁憲廉  
布吳說諸公嘗有題詠相傳巖端生奇花枯檜仍有  
舟船斫石之跡

雙竇又名巨穴潭縣東南二十里有二穴深不可測其  
水隨潮升降下通龍洞

王泉縣東北三十里廣福院前泉深三尺味甘色白烹  
茶為勝立夏後則泉溢立秋後則泉涸有怪松偃蹇  
覆於上

海眼縣西南五里白鶴廟前雖旱不枯

金蛤潭縣東三十五里珠巖之巔其潭晴雨皆涸特沙  
磧耳上有石壁遇旱禱之則有水如珠從石壁中迸  
出須臾盈潭遊鱗蜿蜒中有金蛤呼之有聲應則雨  
山東面之潭為大金蛤



平石潭縣西南二十五里

白蟹潭縣西南三十五里

金松潭縣南二十五里

大門潭縣南八十里

青峯潭縣西南二十五里紹興間主簿袁達禱雨隨應

碑閘

朝宗碑縣南十里紹興七年縣令宋砥修處州錄事叅軍廉布記隆興元年主簿趙彥逾重修置寨屋於其

側每歲官差僧行居之眎水旱以為啟閉輪人戶兼管且修其碣板

靈長碣縣西南十五里其地勢稍高常築而不泄非暴漲則不啟

理川碣縣南十五里

會源碣縣東南十七里久廢邑人以水暴漲朝宗靈長二碣泄之不及且於陰陽家風水有妨訴縣乞用此碣嘉定十二年縣令趙善晉為造石碣以代朝宗啟

開朝宗既築水大至則聽其從磳閘上泄之

橋梁

縣東橋

東半里皇朝  
景德三年置

縣西橋

西一百  
七十步

縣市橋

縣南七  
十步

中路橋

縣西南一  
百三十步

保德橋

縣東北  
一十里

惠政橋

縣南一里紹興間編木為之久廢嘉  
定十三年令趙善晉重建易之以石

支橋

縣西南四十里

大橋

縣南四里  
紹興間置

湯家後門橋

縣東南五里

東谿橋

縣西南六十里

下林谿橋

縣東北八里

陳雅洋橋

縣西三十里

大谿橋

縣西八里

津渡

陳山渡

縣東北一十五里自陳山發船折二百里經兩潮至奉化縣東宿登岸舊皆民船私載時遭風

濤海寇之患隆興元年主簿趙彥逾創造船二隻背而濶一丈六尺朝夕互往兩船篙手共二

十人每名月支常平錢一貫二百五十文自此民旅無虞損則官修或重造

袁村渡

同在陳山海步發船兩潮至奉化縣袁村登岸舊皆私船時遭劫溺後縣自造官船抱納常平

司錢以其餘為修陳山二船之用及月撥十千助學

姜嶼渡

舊名吳七娘渡在縣西北五十里津頭乃本邑吳七娘之地因為名為至奉化東宿登岸

湖頭渡

縣東北三十五里舊為陳山十渡自本邑田下潮長登舟平潮至鄞縣東湖頭登岸

白查渡

縣南四十里

叙產

土產已載郡志畜之品有白羊府所以供御者於邑取  
之花之品有紅木樺最奇邑士史本初得此種因接本  
獻闕下高宗皇帝雅愛之曾畫為扇面御製詩題其上  
以賜從臣榮巖詩曰月宮移就日宮栽引得輕紅入面  
來好向烟霄承雨露丹心一一為君開復古殿又題曰  
秋入幽巖桂影團香深粟粟照林丹應隨王母瑤池曉  
染得朝霞下廣寒自是四方爭求之歲接數百本史氏

以此昌其家今惟邑境所植者色深而香烈移之四方

則色香少損此地氣然也

今制使胡公槩舊嘗以監比較務攝象山賦詩云碎瓊揉

香作肌骨霽日吹紅染膚色人間何處有此葩一種風流初未識東隅月戶編三千夜修玉關瀛洲前拂搖桂子偶墜此雨露培植開韶妍史翁移根出蔥蒨雕斛持歸翠微殿一朝麗質冠百昌御墨分題落團扇何年流轉江南鄉一本奚啻千金償分枝接葉色已淺縱有此花無此香絕愛西山佳麗地藹藹修林倚清吹寧論斜日杏花酣未許熙春海棠暈是時金氣初高明宇宙軒豁澄埃氛青霞絳雪互點綴濃芬騰馥馥氤氳驚峯繁黃今不數破滅山僧練裙女試看香御擁紅雲肅奉虛皇游碧玉搗持寶鏡吹波金寒光萬頃空人心煩君控取紅鸞住便恐香魂夜飛去忠定史越王見而次韻云粟藥搏金葉凝碧獨在秋林暹顏色豈知東漢史氏居

別有奇標人不識。姮娥侍女盈萬千。一一姿貌皆無前。  
 為嫌此花忒淡薄。渥丹乞與春爭妍。露滋胭脂霜染菡。  
 植根只向廣寒殿。凡塵俗韻不可干。清涼惟許秋風扇。  
 何年移到蓬萊鄉。鉅萬索值誰敢償。盤紆欄檻久不曜。  
 一日名飛並國香。豪貴爭看期縮地。載酒遲來煩鼓吹。  
 園丁聞之競采擷。夜深不使花神睡。接枝換骨離四明。  
 飄飄爽氣排妖氛。遂令禁籞成真賞。餘馨賸馥常氤氲。  
 芙蓉寒菊不足數。包羞正似無鹽女。從渠搖落動秋聲。  
 獨步惟茲徧寰宇。我嘗對此傾葵金。却思四海狀元心。  
 慙慙勸花宜且住。寒士人人折得去。胡公再次韻云。霧  
 隱森森小山碧。不嫁春風矜國色。流芳端自藥珠僊。曾  
 是先皇親拔識。一身便足當三千。氣韻乃在黃香前。聊  
 同渠菊領秋意。不與桃李爭春妍。日幄雲幢護青菡。丹  
 霞為臺月為殿。露滋韶艷染猩袍。風引清芬吹雉扇。結  
 根只合帝子鄉。價重未可瓊瑤償。濟川小試舟楫利。作  
 醴更助椒蘭香。僊籍英聲在丹地。紫殿名高非濫吹。影



斜遙漢玉蟾寒香度鎖窓金鴨睡運際千齡遭聖明氣  
使萬里閒祥氛一枝昔已擅風采五芳今正傳氤氲後  
塵江梅誰比數獨抱孤根對青女幸分餘馥霑後來一  
吐寒花照霜宇佇看一語輕千金媽然顧笑舒丹心願  
公千秋長在廣寒宮裏住容我驂鸞共來去忠定史越  
王再次韻云鄮峯老子雙瞳碧已悟人間空是色羣花  
四季作芳菲一笑觀之如不識有時斗酒沽十千狂歌  
爛醉羣花前紅紅白白自妖艷誰曾着口論媼妍惟聞  
丹桂藏青蔭清芬正滿姮娥殿却思一見無由緣但寫  
奇標在團扇忽朝移本下吾鄉此願端知合得償園工  
王斧與換骨坐使凡種皆天香先皇得之植禁地飫賞  
鈞天動僊吹高燒鳳蠟類星繁正恐夜深花或睡於今  
哀戚偏幽明鼎湖仙駕超塵氛遺髯注想文王園玉闌  
佳氣徒氤氲胡君真材一二數他日補天慕媼女正欲  
攀枝效郝詵會看聲名飛海宇雄篇拂地如鏘金俊逸  
清新洗我心怪底斯人掉頭不肯住明年射策居門去

叙賦

鄉村

政實鄉負郭管里一保十二

美政里

烏石保

縣西北  
二十里

白石保

縣南  
五里

弦歌保

縣西  
五里

保德畧

縣東北  
十里

考坑保

縣東北  
五里

延壽畧

縣北  
五里

陳山保

縣北  
十五里

下史保

縣南  
五里

黃谿保

縣西北  
十里

西砂保

縣西  
二里

淡港保

縣西  
三里十五里

姜嶼保

縣西  
五里

歸仁鄉縣南十五里管里一保十

崇仁里

九頃保

縣南  
十五里

馬江保

縣南  
二里

東谿保

縣西南  
四里十五里

青部保

縣西南  
八里

後門保

縣南  
一百里

周舉保

縣南  
七里

松舉保

縣南  
三十里

管谿保

縣西南  
二里

西溪保

縣西南四十里

馬輿保

縣西南七十里

遊仙鄉縣東七里管里一保十

和順里

舊名三里

竺山保

縣東北二十五里

柘溪保

縣東七里

錢倉保

縣東三十五里

夾嶼保

縣北二十五里

東村保

縣東北三十五里

朱溪保

縣東北四十里

塗堆保

縣東北三十里

雀溪保

縣東十二里

赤坎保

縣東南二十里

大徐保

縣東北十五里

鎮市

象山鎮

舊在縣西南  
一里久廢

弦歌市

在政實鄉美政里  
縣心縣南七十步

田畝

民田一十三萬一千九百二十畝二角

戶口

主戶九千七百五十六口二萬八千九百二十八  
客戶三千六百二十四口一萬四千八百九十二

夏稅

絹二千七百二十七疋三丈九尺三釐

正稅一千八十七疋三丈九尺三釐

和買一千六百四十疋

紬七百一十八疋二丈六尺

正稅三百七十五疋二丈六尺

和買三百四十三疋

綿五千五百九十二兩

折變

折帛錢

絹六百二十三疋計錢四千一百一十五貫

正稅一百三十一疋每疋七貫文計九百一十七

貫文

和買四百九十二疋每疋六貫五百文計三千一

百九十八貫文

紬四百四十疋計錢二千九百四十三貫文

正稅一百六十六疋每疋七貫文計一千一百六

十二貫文

和買二百七十四疋每疋六貫五百文計一千七

百八十一貫文

綿二千三百二兩每兩四百文計九百二十貫八百文

亭戶折鹽

絹三十六疋二十三分六釐

紬一十一疋二丈一尺九寸一分五釐



綿二百五十四兩一錢七分三釐

實催本色

絹二千六十九疋二尺八寸五分二釐

比元額增四尺八分五釐

補所虧  
紬數

紬二百六十七疋

虧四尺八分五釐入絹數

綿三千三十五兩八錢二分七釐

秋稅

苗米三千四百九十七石一斛五升九合三勺

折變

亭戶折鹽一百三十石七斗二合

實催本色三千三百六十六石四斗五升七合三勺

酒

以寶慶三年為準

象山務係糴買場

本柄錢二十九百二貫六百五十八文

糯米九百六十二石六斗四升一合四勺

從例遞年每石豁除價錢二貫六百五十文

計一千六百九十貫六百九十九文

麴麥一百一十七石四斗四合每石價錢三貫六百

文計四百二十二貫六百五十四文

夫食物料錢七百八十二貫三百五文

造麴三十一貫三百六十五文

造生煮酒二百七十六貫二百二十二文

袋紬八疋每疋四貫文計三十二貫文

箍缸打竈六十貫文

官吏巡脚夫食糜費輕空滲漏賃坊基等三百八十二貫七百一十八文

收息錢七千八百九十貫四百一十三文

諸司四千六十八貫四百七十七文

經總制司五百八十五貫四百八十六文

移用司三十六貫五百七十八文

正名寬剩一千八百九十七貫五百五十文

五分淨利九百一十四貫七百九十三文

糴本司六百三十四貫七十文

本府六千七百二十四貫五百九十四文

糴錢一百九十一貫一百七十二文納本府

醋息錢六十貫文納本府

人戶買撲酒坊五所

東溪坊

西溪坊

西砂坊

東村坊

青部坊

歲額淨息錢五百四十三貫三百五十一文

金匱要略卷二十一  
常平司三百八十八貫五百五十一文

本府一百五十四貫八百文

商稅 無

淳熙四年有旨續置砂岸並除罷慶元二年陳景愈於  
爵谿赤坎後陳東門等處初置稅兒縣令趙善與以擾  
民白府罷之提刑李大性攝府與除免所抱之錢嘉定  
二年楊圭冒置分布樊益樊昌等為海次爪牙鄭宥等  
訴之主簿趙善瀚歷陳其害五年守王介申朝廷除罷

毀其五都團屋版榜示民寶慶元年胡遜柳椿假府第  
買魚鮮之名私置魚團鄭宥等又有詞倉使齊碩攝府  
杖其人而罷之

雜賦

免役錢兩料共七千七百一十五貫二百七十四

文

縣吏支五千一百六十八貫四百三十四文

本府八十四貫文

解發減省人吏錢在京官  
員催錢支府吏錢並在內

經總制二千一百七十一貫三百二十八文

官戶不減半二百九十一貫五百一十二文

茶租錢一百九十七貫七百八十四文

水脚錢一百九十九貫四百七十一文

河渡錢二百八十貫八百文

常平司

職田

米一百七十七石一斛二合

知縣一百八石五斛一升四合



主簿三十一石六合

縣尉二十九石二升

司戶七斛

奉化縣丞七石八斛六升二合

鹽

玉泉場額五千二百二十袋

玉女場額一千六十袋

叙兵

弓手

尉司額八十名

叙人

見郡志

叙祠

神廟

東嶽行宮縣西南二百五十步棲霞觀之側大觀中建  
主山昭應廟縣西北一百四十步舊名圓峯按唐會昌  
中王闕撰文宣王廟記有云自圓峯祠歷城隍廟則

此祠其來尚矣或以為縣主山形圓因名之一日午  
自其舊祠飛片瓦止於今廟之基邑人姜舉因遷焉  
境內嘗歲饑瀕海窘糴忽有乘大舟抵岸者出告邑  
人曰昨日中流有扁舟載酒果招吾米者自云居縣  
西山下既往訪之乃廟也覩神像驚愕且拜即平價  
盡糴衆賴以濟建炎四年金兵至海盜乘之猖獗由  
昌國至白峯將抵邑境邑方戒嚴海民忽報陰霧陡  
變中有舟楫旗幟甲兵衝突出港風電大作賊舟沈

溺遁去劉帥大兵至邑先往西溪屯駐後軍使臣冉  
進未發欲於簿廳閣下縱火為亂帥恍惚一急足告  
變驗之果然乃斬冉等於廟側是歲有旨賜昭應廟  
額水旱疾疫有禱必應遠邇爭奉香火每歲以六月  
七日為生辰會累封靈澤孚佑昭貺顯濟侯

沖應真人祠縣西南二百五十步蓬萊山之下透瓶泉  
之北與棲霞觀同建真人姓陶諱弘景舊封貞白王  
欽若靈驗記云梁朝真人修藥於蓬萊觀自寫真於

東壁有居觀側者晨起必望觀瞻禮常販於天台一  
旦隨舟渡海將及縣步颶風大作舟欲傾沒同舟六  
七十人見一道士乘雲隱約黃色光芒中以羽扇約  
風曰陶真人相救毋怖畏言訖風息既濟其人引同  
黨至觀見真人像如舟中所覩遂相率修飾觀宇以  
答焉治平中袁廣淵又記云祥符元年京師營昭應  
宮自永嘉掄巨材浮海至邑之南風濤幾溺舟人於  
空中見道士謂曰吾象山蓬萊觀陶真人也且救汝

須臾安濟慶歷中道士鄭日微更造殿宇而壁間所  
寫真遂泯其徒嘗以縑素摹留副本有誠禱者則幅  
巾黃服隱然現壁間淳熙末令王椿為旱禱像現而  
雨上其事於朝賜今封

普濟廟縣東南三十五里舊曰鋸門廟

祚聖廟本東門廟在縣南一百里世稱其神曰天門都  
督按天門山在南海中而接寧海之東境故號東門  
下有石閘潮汐衝撞最為湍險

詳見東門山注

舟舶往來必

致禱焉唐貞觀間有會稽販客曰金林數經從薦牲  
醴惟謹舟行每得所欲一日祭畢誤持胙肉去解纜  
行十餘里炊然逆風復漂至廟下不得前舟人恐甚  
乃悟所誤亟還置加祈謝即反風安流而濟永徽間  
會稽又有工人曰蔡藏自泉州造佛像回獲緡錢數  
百祀禱少懈舟發數里而覆惟篙師僅免是知廟之  
建置久矣謂之天門都督者尊之如方伯也皇朝建  
炎四年賜今額

白鶴廟縣城內神姓趙名炳字公阿東陽人能為越方  
事見東漢書方術徐登傳沒於章安台州人祠之甚  
謹象山舊為台屬邑故亦祠焉祈禱輒應嘉祐六年  
令陳玠銘於石

顧長官祠在縣城內長官名方字正夫丹陽人皇朝皇  
祐登進士第再調明之象山令視事日召邑人父老  
詢民間利害及境內士民善者召而勸之惡者諭而  
戒之又建學舍率子弟之秀者教之親為講解誘掖



使進於善逾年民大化服俄而方病邑民率錢詣塔  
廟祈禱者千人方竟不起百里之內號泣思戀如失  
父母相與立祠以時祀之丹陽錢君倚毘陵胡完夫  
皆記其事刻石祠中士大夫以詩頌追美者不可勝  
紀事見皇朝類苑今祠有碑見存上饒何籀撰

### 宮觀

棲霞觀縣西南二百五十步蓬萊山之下舊名蓬萊觀  
秦徐福梁陶弘景皆隱迹於此隋大業元年廢唐天

寶十三年台州刺史袁仲宣復置大中元年令楊弘  
正告於明州刺史李敬方重修孫諫卿記皇朝治平  
二年改賜今額淳熙末道士遷其觀於山之西嘉定  
十三年道士張大原於舊址重建

寺院

禪院九

鳳躍山等慈院縣西北一里舊名鳳躍院宋元嘉二年  
置皇朝治平二年改賜今額方預譔釋迦殿記縣令

李齊愈撰僧堂記常住田三百一十八畝山二百七十畝

瑞雲峯延壽院縣北七里舊名龍壽院漢乾祐二年置王說記皇朝治平二年改賜今額常住田九百一十四畝山二百七十畝

智門院縣西二十五里舊名保安院周顯德四年置皇朝治平二年改賜今額常住田六百七十四畝山二千二百四十四畝

常樂院縣東北三十里唐乾寧中刺史黃晟建皇朝乾德二年賜號慶寶院久而圯嘉祐八年易為十方僧道相文應重修治平二年改賜今額廬江縣主簿樓郁撰十方記常住田五百三十一畝山九百四十畝太平廣福寺縣西南五十里皇朝建隆三年置熙寧元年賜額俞觀能撰佛記常住田四百五十三畝山一千五百七十畝

蓬萊山廣福院縣西南三十里舊名蓬萊院漢乾祐元

年置皇朝熙寧元年改名壽聖權婺州永康縣劉渭  
記紹興三十二年改賜今額常住田四百八畝山一  
千三百九畝

護境廣福院縣東北二十里皇朝建隆二年置熙寧元  
年加賜壽聖二字紹興三十二年改賜今額常住田  
二百畝山三百九十六畝

靈巖廣福院縣西南四十里皇朝太平興國二年僧智  
瑄建進士俞讓記熙寧元年加賜壽聖二字紹興三

十二年改賜今額常住田八十五畝山六百一十畝  
仙巖院常住田九十九畝山一百一十二畝

教院三

寶梵院縣東北一百三十步舊名東禪院皇朝建隆二  
年置治平二年改賜今額常住田一百五十六畝山  
一百七十九畝

廣福保寧院縣西南二十里舊名保寧院周顯德五年  
置皇朝熙寧元年加賜壽聖二字紹興三十二年改

賜今額常住田一百七十七畝山無

玉泉廣福院縣東北二十里皇朝乾德二年置熙寧元年加賜壽聖二字紹興三十二年改賜今額常住田三百一畝山一千四十三畝

甲乙律院四

普明院縣南十五里梁天監元年置名湧泉皇朝治平二年改賜今額御史臺檢法官王庭秀撰方丈記常住田四百四十五畝山一百一十五畝

瑞龍廣福院縣東南十五里皇朝乾德四年置熙寧元年加賜壽聖二字紹興三十二年改賜今額常住田六百四畝山二千畝

新安院縣南八十里周廣順三年置常住田五百三十畝山一千八百畝

伍師院縣西南三十里周廣順三年置常住田三十五畝山二百畝

叙遺



紀異

淳熙三年縣之西山隴中有麥一莖兩歧令高子莫獻  
於郡皇子魏王圖上於朝孝宗皇帝御札褒美魏王  
有詩刊於石

嘉定十四年中元日雲現於縣西山之上五彩間錯光  
華燦然父老驚歎目所未覩邑令趙善晉繪以為圖  
好事者形之歌詠自是五穀屢豐

存古

孔侯墓縣之童翁浦侯姓孔行第七失其名即此浦人也性剛志烈苟不苟合鄉里敬而憚之唐咸通中有富都巡吏劉贊夢侯告曰予平生以忠義處世今死矣上帝錄吾之善姓名已籍水府真錄然吾屍猶泛濫於沙浦間予能收而窆之且創數楹俾吾有棲託必為民利贊訪得屍果如所夢乃斂葬於此立祠以祀之今定海縣有助海侯廟兵部侍郎皮光業記即侯也



寶慶四明志卷二十一